

戴世譜

戴德字延君其先子姓宋戴公之孫以謚爲姓高堂生傳禮于蕭奮蕭奮傳之孟卿孟卿傳之后蒼后蒼傳之德號大戴禮記爲信都太傅世居魏郡斥丘後授經於瑯邪徐良遂有徐氏之學裔孫景珍爲北魏司州從事仲孫胄字胤相唐太宗孫至德相高宗

勝字次君與叔延君齊名師事后蒼盡得其學著小戴成安縣志

卷之十世譜

禮記以博士論石渠官至九江太守授經於橋仁楊榮仁爲大鴻臚榮爲瑯邪太守出是小戴禮記遂有橋楊之學勝生空空生月作中山人物志生憑

憑字次仲僑寓汝南及輝縣家世禮記尤習京氏易年十六舉明經拜郎中時光武詔公卿大會群臣皆就席公獨立光武問其意對曰博士說經皆不如臣而坐居臣上是以不就席帝詔上殿與諸儒難說多所解釋帝善之拜爲侍中數進見帝曰侍中當匡輔國政勿隱

救蔣遵時遵禁錮帝疑其黨公出自繫廷尉言終不屈  
帝兩釋之正旦朝賀帝令不能說經者奪席公重坐五  
十席京師語曰解經不窮戴侍中在職十八年卒於官  
子孫緜縣不絕傳至後世曰寬者同弟聚仍返斥丘鄉  
義村居焉祖瑩尚存裔孫名九一習堪輿

戴譜論曰大小戴爲禮經之宗功在聖門不減后蒼輩  
不當血食 文廟哉乃併鄉賢遺之何也豈誤以憑爲  
汝南人而未覈其始耶憑業禮而說易漢廷衆博士卷  
成安縣志

卷之十世譜

二

舌而避席焉願不稱亢宗與謂之世家誰曰不宜



王世譜

王明後周末歷清平郾城鄆陵三縣各有政績宋初知  
榮州以廉正持身而德惠及民代歸遷右補闕開寶三  
年下賀州尋下廣州又知真定府又從潘美爲嶺南轉  
運副使徧歷部內視民疾苦舊無名科歛悉條奏除之  
嶺表得安堵及歸帝召見勞問賜襲衣金帶鞍馬拜諫  
議大夫累官禮部侍郎子三人擬扶揆擬扶併進士及

成安縣志

卷之十世譜

三

第知名當時景德中公卒帝念其功錄揆爲元祿寺主  
簿孫師顏爲三班借職所著有家集崇祀鄉賢曾孫廣  
淵

廣淵明曾孫慶厓中上明家集詔官其後公乃推與其  
弟廣濶而以進士爲大理法直官編排中書文字裁定  
祖宗御史十卷仁宗嘉之以之舒州雷不行英宗居藩  
邸公見寵注獻所爲文若干卷及卽位除直集賢院諫  
官司馬光言廣淵當仁宗之世私自結托今當治其罪

而更賞之何以勵人臣之節帝不聽累擢寶文閣待制  
知慶州宜撫使贈右諫議大夫弟歸子得君

臨廣淵弟起進士簽書雄州判官嘉祐初契丹使至朝  
諭擬所應公言契丹方飢困何能爲朕春秋許與之義  
不可以不謹彼嘗求馴象可拒不拒求樂章可與不與  
皆有失今橫使求聖像豈可與哉朝廷善其議累遷河  
北沿邊安撫都監上備禦數十策後爲寶文閣待制

王謫論曰少宗伯之功大矣下兩州安嶺表至今俎豆  
成安縣志

卷之十世譜

四

猶有生氣諫議辭官讓弟自掇魏科能著書立言以來  
眷注可不謂賢哉盖有祖之遺烈焉待制上疏鑿鑿可  
行名垂後世累世若此歆汶汶得乎

李世譜

李謙爲人忠厚醇謹處豐若歎以明經任青州府檢校  
歸田後隨歲不登卽輸銀四百餘兩賜給一鄉又設義  
學里中擇學究中端慎者爲師以訓其鄉之子弟成材  
者衆子宗信

宗信謙子天性仁厚寬平爲里人所推重以入贊任出  
東曹縣丞因母病辭歸偶遇歲祲民辦賦不前監司催

成安縣志

卷之十世譜

五

比急性傾囊金三千餘兩代爲輸納有代種田者始乳  
其租後因歲荒遂各以地與之今所稱李家門者卽其  
處也子棲鸞

棲鸞字信子性恭儉能忍幼失恃善事庶母內外人不  
知其爲庶母也郡守封丘陳公慮滏河水將爲磚城以  
工費大人鮮應者鸞偕弟棲鵬往謁願輸貲修城南面  
任滏廬寺序班歸爲圃南郊日涉其中栽花蕪竹或招  
知己者遊撫軍曹公過而嘆曰此亦塵世僑境也子應

時任涇陽縣主簿

美應時子棲鸞孫性謹朴雖席豐無溢志敦族睦里尤爲鄉邦推服少習舉子業困於場屋晚入太學明農課子絕無膏粱習氣子門琦

門琦美子弱冠負文名試必冠軍沉恂嚴毅識者以遠大期之庚午舉於鄉下湄攻苦無異諸生而屏跡公庭尤人所難朕享年不永且抱伯道之悲惜哉

李譜論曰余讀李世譜而疑矣世家者以德以言以位成安縣志

卷之十世譜

六

不聞以財也而檢校乃世以財顯倘所謂好行其德者耶夫以薄官輪厚貲難矣子孫能繼其業捐三千金成百雉不尤難乎孝廉雖早世天固以科名酬之矣嗟乎世之營金穴爲菟裘者可勝道哉若李氏者賢不肖何如也

世譜四

蔡世譜

蔡紹先字孝伯天性孝友初貧獨拮据養親不以累諸  
兄諸生時輒有經世志嘗考方輿諸書凡海內山川險  
巽形勢無不洞晰勤課諸子力學伯仲相繼登進士公  
以明經知長葛縣開渠田清徭役興學息訟多善政封  
戶部郎中作家廟築壘岡建享堂購祭田分田贍族道  
之勤儉立義塚四子皆賢時以陳太丘荀朗陵目之

成安縣志

卷之十世譜

七

可教字孟受紹先長子生有方格嶷立矩步瞻視不移  
補弟子員憲使李公召之邸與其子相切磋所得蔬果  
輒內笥中曰家有王父木知此味不敢先嘗李公比之  
陸續博士竇君變公如子謂其偶曰他日食蔡生報當  
過吾子孫屢試高等聲名鵲起公益自負嶽嶽無所下  
邑令包公少年成進士父尙未第徵名士爲文會公兄  
弟與焉或諷公宜以令爲師公艱狀曰友其父而師其  
子可乎後與包公父同成進士嚴分宜當國甚昵鄉人

時大司空雷公會謫廣平郡倅最知公者也客請因司空以見分宜得京職易易耳公不可尋爲南陽司理持法凜凜上下胥憚之有州大夫以墨敗其弟方在垣中屬中丞末臧公卒坐如律以是不得徵爲臺省晉民部郎出守德安以治行最擢陝西副使借兵潼關竇博士已沒升堂拜毋置腴田百畝授其子公恤驛迺衝疲多所釐裁過者啣之騰謗於直指使直指彈公謫山東僉事備其遼海御史劉公以劾江陵緹騎逮之官屬不敢

成安縣志

卷之十世譜

八

通公獨往視而泣贈緹騎使毋虐江陵知之左遷行大僕丞未幾以考功黜時兩大人俱徙公左右就養無方親稍不豫必稽首請罪色霽後起尤不庇奴僕與鄉里相競者咎逐之比易簣弟可行可立檢其囊無長物止有貸人貲麻記一冊計百餘金案上塵覆手著書詩文也可行爲梓花萼唵可立爲梓焚遺集其未付剗削者

尚多

可賢字仲開紹先仲子也生而岐嶷敏異常豪爽多氣節



舉戊午鄉薦壬戌登進士第轉饒雲中事竣授戶部主  
事時伯兄已在部縉紳中咸稱雙壁委監山東河南兌  
運絕奸蝥弊風裁凜凜歷郎中遷山西太原知州時石  
州新破瘡痍未起公拮据不遺餘力大有能聲擢霸州  
兵備未幾調岢嵐道時俺荅黠悍因互市數要盟會他  
鎮使無敢應者公卑騎會諸紅門成賓主禮馬價低昂  
悉憑公裁定所省不下數千金無何以恥忌當路謝病  
歸里壬辰唘劉毅撫軍使者據寧夏以救朝廷用樞臣

成安縣志

卷之十 詩

九

議起公田間屢出奇計西夏平論功陞一級飭兵遼海  
數月以內艱歸服闋築圃栽花種竹兄弟詩酒相賡和  
睦族賙貧助修文廟東廡鄉評重之公負長才故所至  
輒有殊績雖動多齟齬未究厥施朕海內士人無間識  
不識仰其才名靡不退三舍遜之所著有西征鼓吹及  
治河諸篇未梓第可行字叔達以選貢累任郡丞不愧  
兩兄三輔動稱成安三蔡云彙梓兩兄併亡詩曰花雪  
堂塗稿行於世可賢子應龍官中書舍人可行千載

官經歷

蔡譜論曰大河以北兄弟同榜父子宦遊者恒少長葛  
公讀書修行教子以義方可不謂賢乎兩子崛起功業  
文章爲當世烈仁人有後信夫

世譜五

吳世譜

吳一琴嘉靖壬戌科進士官工部主事第一桂以明經  
官平涼府通判

善言字子遠一琴族弟與琴同榜進士授工部主事分  
司呂梁丁外艱服闋補戶部分司通州宦遊十載食無  
兼味與童僕同藜藿轉員外郎監儲上谷積羨餘數萬  
金不取欲申報恐妨前人乃註冊存庫轉郎中出守蘇  
成安縣志

卷之十世譜

州考績太宰奏方岳郡守卓異者二十五人公爲治行  
第一天子御門賜宴賜錦與金歲餘擢陝西右叅政去  
後蘇人立碑頌德調山西右叅政備兵赤城擢僉都御  
史開府浙江單身赴任會政府議汰餉公旣令出時有  
謀公者以誑言激衆怒遂致脫巾之變及入幕府見公  
止一身供張無異寒士所有者俸五十金而已各大悔  
恨公解綬屏跡鄉居督農課子子五人皆能世其家

維東字賓旭善言季子少服庭訓攻苦下帷無膏粱氣  
習丁酉薦賢書甲辰及第筮仕民部兩主國計狷潔無  
所染遷荊州知府荆俗猾而囂請託迫挾莫可制公處  
之帖如也時議收江陵故相地充王田田久變價屬民  
間一時奪之人情洶洶公力請止之荆土素腹羨金歲  
可數萬公但以空文起運本折高下概付不問人無敢  
嘗之者三載荆大治擢陝西副使備兵漢中便道過里  
拜其兄甚恭問寒分甘不啻涑水公業師喬某物故公

成安縣志

卷之十世譜

十二

脫驂爲賻勤恤其孤囑邑宰善視之後以勦賊持議忤  
撫軍拂袖歸家居非公不至而邑中大利害及風化所  
關者則侃侃言之無隱家無黠僕坐有貧交子姪恂恂  
宗族雍睦喜讀書寒暑伊吾不輟詩文卓絕有氣識在  
漢晉間唐以下不屑也所著有郢中草垂釣草大漢草  
澤畔草行世

吳譜論曰吳氏世有隱德至主政中丞而發主政昆弟  
行事不少概見中丞治行與朱邑文翁等赤城之備賢

於數萬中其偉矣憲副爲賢太守登高作賦文章爛焉  
兄弟父子三傳而科第者四人各錚錚有聲迄今以來  
未嘗有也

列傳一

名臣傳

黃泓字始長斥丘人父沈善天文術公從父受業愈精  
妙尤明易禮晉永嘉之亂率宗族歸慕容廆廆待以客  
禮引爲叅軍軍國之務皆諮之公談成敗事皆如言廆  
常曰黃叅軍孤之仲朔也慕容儼清都成安人容貌出  
群學兵法工騎射北魏正光中河間王元弼率衆救壽  
春辟公左廟軍主自是屢立戰功孝昌中爾朱榮授公

成安縣志

卷之十 例傳一

京畿南面都督永安中北育太守宋帶劔謀叛公輕騎  
至城下語曰大軍已到太守何不迎帶劔造次惶恐出  
迎公執之一郡遂定爾朱敗歸北齊高祖以勲果遷安  
東荊軍東雍州刺史天保中清河王岳帥師江上集諸  
將議曰郢州城在江外必須才畧兼濟忠勇過人可受  
此寄衆共推公遂遣公守郢州後詔還帝執公手諦視  
鬚髮嘆曰觀鄉容貌朕不復相識自古忠烈豈能過此  
後進爲義安王公少任俠遨遊京洛間及從征討有將

史鑑明洪武初以歲貢肄業成均六月夜二鼓後猶整衣端坐讀書不輟太祖微行至謂曰諸生悉寢爾何獨莊誦若是公欽容對曰臣食朝庭廩祿自當恪共職業昔聖如大禹猶惜寸陰臣何敢虛曠時刻以負作養上嘉其言論丰采有古大臣風遂以都御史授之時有宦寺謀干朝政者公輒上疏力沮願鑒諸前史以防異日弄權之患上善其言見上用法太繁疏奏刑新國用輕成安縣志

卷之十列傳二

二

興蘄以寬大御下上嘉納祀鄉賢

張潤身字佩德正德癸酉舉於鄉甲戌登進士初知浙江西安縣以賢能行取授戶科給事中歷工吏兩科乞終養服闋轉兵科都給事中前後居諫垣十三年彈劾不避或巨璫播虐或貪將饋兵或邊臣倖擢或戚畹濫封皆指實陳言切中時弊職劾者陰排擠之遂出守平陽至郡問民疾苦凡利所當興弊所當革者次第行之居一載謝事歸唯以勸農訓子睦族人敦鄉約爲事所

著有四科奏議

吳善言及子維東俱以清風勁節推重一時狀直道難容且享年不永崇祀之典缺焉惜哉

陳廷謨字獻明聰穎不凡垂髫善屬文每試冠軍天啟辛酉舉於鄉壬戌成進士授山東沂水知縣時妖孽方息瘡痍未起公悉心撫育之民乃復業甲子分校棘闈入覲以卓異調繁益都沂人爭之不獲建祠尸祝焉至益都課農捕蝗有一禾三穗之異丁卯上徵兵青屬新

成安縣志

卷之十列傳一

三

兵集郡城外索餉鼓譟公單騎往諭以大義發縣庫二千金給散之乃就道是年再入闈上計以治行第一授河南道監察御史益人慕之倍于沂初巡節慎等庫上嘉其直封父母如其官已巳督隄河東禁叅謁親下解池督率撈採其報納派場掣放車戶等弊盡革修宏運書院培三省士庚午流寇突犯絳州公登城指授方畧擊賊霄遁丁內艱歸哀毀過甚幾殞友人喬君以禮記孝經言相慰且云封翁在堂不當貽以憂公乃節哀強



食未幾復丁外艱先是公以奉命不得付切潘孺人  
膳爲恨盡瘁事封翁封翁又卒痛恨不欲生乃推封  
志助婚喪賑貧乏建學田施藥濟人服闋奉命按蜀  
流寇逼漢中藩封告急公前贖金充餉積穀以饋  
簡州學宮助修廣元保寧城垣鋤奸剔蠹察吏安民  
少貸事竣就川南候代寇忽至公不得已行撫軍事  
兵指餉無虛日閱月圍解而公病矣戊寅力疾歸  
論功罪因寇掠執政者家撫鎮外無所釋憾

辰安縣志

卷之十列傳一

四

上知公無罪重違執政意落公職時有勸公通於  
以圖辯復者公笑曰豈有朝庭骨鯁之臣而阿權  
家居八月而卒諸孤俱幼公弟中翰亮明公經紀其  
事公貌魁梧奇偉善論事有氣節可屬大事未竟其  
主論惜之所著有度青吟覺非草義畫管窺巡方講  
河東及按蜀疏草牘畧行世

王之統字萃州號西河天啟辛酉舉人配命父也世居  
漳河村祖鸚嘗焚借券還遺金青年有聲性復孝友

父至九旬無懈妻亡不再娶與弟姪同居教子以義方  
行文廟新城門立義學高行不一而足以歲貢授趙州  
司訓有寇變分守東門率諸生晝夜防守賊從他方登  
城猶奮氣死拒力竭被執顏色不變誘賊至明倫堂曰  
吾得死所矣遂罵賊死

侯君 璫字際明天啟辛酉舉於鄉天性至孝爲親捧檄  
初署大名縣諭課士有法陞陝西甘泉知縣邊陲殘破  
之地整頓有起色丁內艱哀毀幾滅性服闋補河南武

成安縣志

卷之十列傳一

五

陟縣防河禦寇隣多則之以廉明豈弟聞於上考績陞  
陳州知州方下車而寇至登城誓衆共守寇圍城四十  
里晝夜力攻公身先士卒運矢石擊寇壕皆滿相持七  
日力竭城陷至死誓不絕口事聞贈河南布政司右叅  
議廕一子入監讀書仍於陳橋驛 勅建生祠命有司  
春秋祀焉仍祀陳州各宦但鄉賢從祀之典尚缺宜亟  
議舉行以爲天下後世爲人臣者勸懲著有四書膚見  
歸奇禮經纂要行世

名臣論曰參軍成安爲晉魏臣矯矯多奇節史用之  
尚矣史中丞之納忠張給諫之批鱗吳開府父工之剛  
方陳柱史之雄才大畧俱是不休也王廣文侯刺史復  
以從容就義激烈盡忠自表見方之古人又何愧焉

列傳二

吏治傳

李果字尚用明景泰庚午舉於鄉天順間授山西平陽府通判分理易州廠柴薪臨晉有民楊耀及臨汾盜祝英等長惡不悛里閭畏之公申明憲典諭以禍福皆改行從善考績獲錫命擢杭州府同知海岸舊有朱將軍廟禱雨輒應歲久傾圯時大旱公重修其廟而禱之其澍霑足西湖水溢每爲民害果築隄防民謠曰開海備

成安縣志

卷之十 列傳二

七

績千秋利捍海高名萬古傳奏最加常俸一級陞濟南府知府尋以疾歸卒按志公性儻事親孝而自奉殊薄爲文力追古雅不逐塵筌所著有四書音考大學明解小學摘義諸書藏於家祀鄉賢

劉昌鄒平丞淵子敏而嗜學耿介有特操登景泰丙子鄉薦歷官保德知州赴任不携家以清謹自勵苞苴弗通年荒招撫流移賑活萬姓保德之民至今頌德建祠祀豆焉祀鄉賢

李岳字嵩山弘治乙卯舉人及謁選有白以常例賂當  
事者公不可因拜海州別駕人皆不平公曰爲人臣者  
但靖廼職耳寧論崇卑乎抵任每聽訟及行事皆焚香  
告天務求不愧民之父母四字兩臺已列薦之公竟乞  
歸海州人感其德建祠祀焉

侯服以明經貳郎墨值朝命頒銀市米會昌侯孫繼宗  
氣焯熯灼其弟顯宗攬納米實不堪遣使以幣來公拒  
不受使怒叱公公曰未聞侯門奴而庭辱命官者遂笞

成安縣志

卷之十列傳二

八

之繼宗聞而怒囑觀察使某誣公罪當流子琛擊登聞  
鼓以聞事下法司繼宗復賂當事者嚴刑以訊一呼而  
刑折如是者七問官乃實奏英宗顧李文達曰皇親豈  
可如此法之不行自上犯之文達叩首稱善遂褫繼宗  
職諸黨悉伏辜公遂掛冠策蹇而歸

高瀛字萃賢天性孝友家貧事繼母承顏順志得其歡  
心撫遺姪如已子以明經任徐州判平恕以冰燂自勵  
民有青天之頌徐八省要綱也車馬絡繹應接不暇有

得舊基道經其地以牽舟夫少欲笞公公力爭不受杖  
待御聞其庶釋之州城東北隅有黃樓者宋太守蘇軾  
所建也其第轍有賦刻石樓上文與字稱兩絕爲一方  
奇觀居民失火北風大作將及樓公望風下拜風反樓  
無恙陞山西清源知縣去日百姓垂涕遠送立碑呂梁  
之側居清源益自刻勵狀以不能獲上竟罷歸嘗語人  
曰吾在徐州爲不虞之譽在清源爲求全之毀苟此心  
無愧其成敗利鈍何足介也士林以爲名言

成安縣志

卷之十列傳二

九

陳忠言字子敬領嘉靖甲子鄉薦初知河南密縣有異  
政密人祀之歷任山東衡府審理正爲世子師以輔道  
功王賜之扁尤有遺子在抱保之如已出居鄉不入公  
庭尤爲人所推重

蔡根字汝培以明經初授大名府訓課士有法擢良鄉  
縣諭縣近京都士多競尚浮華公乃嚴道範端趨向士  
風化之兩院嘉其才能委署縣事潔已愛民陞永和知  
縣下車卽創建養廉舍於儒學以惠多士明年收山租

會者... 谷賑濟捐修... 社學創浮橋開... 二十餘里至今賴之以老告歸

勤字懷南人性磊落不以家貲蕭疎喪志萬... 成

領鄉薦以親老謁選知壽陽縣興學校賑貧民歲餘

丁內艱囊空如未仕者服闋補河津縣三月以疾卒於

官士民罷業而哭塗巷婦女擁柩爭奠有寇公插竹之

風焉

姜時敏字遜吾萬戶丁酉舉於鄉授齊東知縣立義學

成安縣志

卷之十列傳二

十

治腹西以養貧士有不能娶者助之歲饑且疫公設粥

版施藥料全活甚衆時有廣文范謙卒於官妻孥以囊

空不能歸公捐俸送還當路者重之陞臨洮府同知抵

家以疾不仕所置田產公給諸姪教之無異已子子游

龍官趙庶審理

楊純字惟一性最孝寬宏簡重生平未嘗歷狎邪與之

游者如飲醇醪坐春風也至義所不可則力持不相下

海賊寇軍以... 劫掠沿水... 劫決人十二

尊如令長兩攝隣封賡訪買菜備王守信等審出寇誣者某某無不尸祝之邠鍰減贖誅吏胥舞文者一時長吏遜其風裁公餘橫經論道士多師之及歸送之者有一天霖雨千山潤兩月清風百世香之句忤當路者左遷王官遂絕意仕進當事累移文不就耕讀不輟非歲時不至公堂世業之外一無所有也

冀弘道字性初性聰敏貌謹樸雅好古文詞試輒冠軍秋闈屢置副榜以恩選入成均授寧陽知縣寧陽風

難治錢穀多不可稽公下車清察歷年逋負及吏胥侵沒不可追比者二萬餘金力請赦免又有代徵郟城新餉千七白金抗詞申辯仍歸郟城刑政嚴明當道者褒薦之陞臨洮府同知分署河州革陋規杜弊孔招中茶馬溢額降勅紀錄晉二級以直道忤時竟歸行李蕭條鋸帶爲資斧無愠色軍商避道涕涖勒碑誌德所著有東西遊稿行世

子鑄字子存世居漳河集幼讀書不成爲憲林服事



敏直指器之考滿赴選於旅店釜內拾遺金五百乃扎  
病再宿以待遺金者至即出以還之請京授戊字庫大  
使陞河南府知事清慎自守郡守每咨以政有富民被  
誣守令推鞠富民願賂千金以脫罪鶚嚴却之而雪其  
寃司理王公嘉之曰廉明如此可謂有守矣又有開前  
代貴塚者寶玩疊集守委之判決欲以資其貧也鶚一  
無所取有一金蠟墓精絕儼狀如生子推恩愛之不忍  
釋鶚諭使勿取年五十餘告歸邑侯樊公扁其門曰明

成安縣志

卷之十一列傳二

十二

時高致臨終有借券盈箱恐子若孫之不克嗣厥志也  
俱焚于庭子推恩平鄉儒學訓導壽至九十孫之統趙  
州儒學訓導戊寅死節曾孫配命登天啟辛酉科時王  
公爲大司馬配命謁焉曰吾固知若祖之昌厥後也後  
配命官泰安知州

楊調昇字位子博學好古丁卯舉於鄉辛未登進士選  
河南河內知縣開渠百里溉民田有小禹王之頌流寇  
猖獗請防兵萬餘一時缺餉鼓噪公請入軍中以大義

論解撫按兩事交章薦之有取禮部主事歷員外郎  
河南驛傳道流寇圍攻開封公協力守城晝夜不解衣  
兩月賊乃退陞<sup>督</sup>糧參議兵荒饑饉漕糧難完不忍  
朴遂解綬歸居鄉恬靜有體作養後學訓迪子弟暇則  
展玩鼎彝花樽名人字畫年八十卒於家

溫如玉字德甫姿性異人日誦數千言弱冠補弟子員  
每試優卷癸酉領鄉薦壬辰登進士科初授泌陽知縣  
兵燹之後凋弊不堪公蒞事勤慎聽斷廉明一時稱神

成安縣志

卷之十列傳二

十三

若焉捐俸修學修志以治行卓異入爲刑部主事  
中出督贛關樞務差旋遷江南僉事攝蕪湖鈔關事前  
後兩督樞務皆能卹商愛民正供無缺所在惠愛廉正  
喜讀書居官手不釋卷凡經史諸子無不淹貫兩關  
士所得皆一時名士

艾燿字明遠號協四中丞公齋孫也屬癸酉鄉書初  
江南穎上知縣加意撫綏課農桑集流離一切興利除  
害事與父老相商請若家人父丁聽訟務得民隱

有疑獄咸質成焉每朔望行香畢集諸生明倫堂考  
論業王覺民諸人皆其陶成也民有過或寬之吏有  
錘細必懲期年政成兩臺交疏其賢竟以勞瘁卒於  
邑民哀慟不已視歸之日祭奠者百里所著有尚書纂  
要藏於家

楊惠心字孚仲純子也天性孝友穎悟好學於書無所  
不讀試輒優等秋闈三中副榜嘗與王星歲訂論古今  
辨晰名理每至夜分不寐一日言及晉謝安事歲因問

成安縣志

卷之十列傳二

十四

賭墅圖碁有

名是耶其子姪乎而文義不屬何也曰

圖碁是張

史遺張字非謝

也又問出何書曰眉公

秘笈辨之早矣一日因講易偶及世應之說歲問卦中  
世應不過算覆之術未見根據曰春秋傳有之而不詳  
史記孔子門人五丈夫子之說世應已見之矣何爲無

據一及偶及點化黃白問有諸曰有之問見於何書曰  
他書雖言其事朕未可憑惟坡僊集所載有授黃砂之  
法于蘇子蘇子惠州時或亦得此力而此書經名公叅

者變矣豈不可信宇宙之大何所不有但人不可惑於斯術而希邁其方也又問 牝曰老子不云乎多言數窮不如守中是即中也後見叅同註解果有其義一爻語及地生羊雷可食問曰此皆出何書曰地生羊見諸傳記冊籍不可枚舉雷蟄地中洪武正韻箋詳註之矣一爻問紫陽之格物與陽明之格物何如曰學者但患不肯用功耳今由紫陽而進者學問淺深各有所得如由陽明而實致其力亦何憂不至誠明地位不必軒

成安縣志

卷之十列傳二

十五

輕於其間也其隨事周知見理明決大率類此順治二年以恩貢選歸德府推官一介不取有貪墨犯典刑者欲納重賂於公卒無敢爲居閒者竟置之法陞開封府南河同知金龍口決頻年繕築未底績降罰者相繼公揆宜度勢一舉而定部院奏聞詔賜金南河有漁戶百家日供鮮食有定額或折銀錢公一槩屏絕奸役張奮私收商船賄賂公知之立斨杖下吳撫軍憫其清苦贈金百兩陞開封知府開封大水後各官掘取土中財物

無虛日皆有所獲公絕不動念以屬縣事註誤  
樂疾至家卒

吏治論曰位無高下以能勝其任爲可傳若李大守諸  
公者其政績爲何如也或以廉顯或以循稱或以幹著  
或以直聞或以介退惠流一方名傳百世不亦蒸蒸日上  
乎

列傳三

篤行傳

李哲以明經爲陝西畧陽知縣視民猶子治邑如家廉潔不妄取一錢以親老乞終養歸杜門却掃絕跡城市祀鄉賢

張智貢士官山西平魯衛經歷廉能有聲及歸惟殘書數卷緼袍數襲而已性孝友喜讀書家居社門手一編舉人李果溫輔尹官張瑁皆其門人也祀鄉賢

成安縣志

卷之十列傳三

十七

高震以貢士授陝西渭源知縣有廉聲勤恤民隱時大疫震虔禱於神引咎責躬遇披髮道士授以術藥全活無算以此精於醫母病湯藥親嘗寢息不離自檢方書投劑輒愈及歸置地八十畝宅一區先世所遺田產悉讓其弟第常借其馬私鬻之震不問人服其量鄉隣有爭訟者震中剖之靡不服祀鄉賢

唐珍字廷聘博極群書居常體認良心二字入成均見重於司成內江趙公初授山西陵川知縣時所苦者里

費後征求急市價不平珍銳意釐之與民更始丁內艱服闋補靜樂縣靜樂瀕塞垣多警珍在偵謀謹烽燧民間安枕狀性樸直不能事要人左遷永昌衛教授以親老遂投牒歸

喬宮字應昌制行以古人爲則高才能文章屢見重於學使者以歲貢司胙城訓修祭器濟貧生持經問難者席常滿邑宰折節與交凡事咨之或有所謀卽夜分必促之起片言中節輒釋狀去遷陝西安定諭安定居邊

成安縣志

卷之十列傳三

十八

徼青衿士往往刺謬犯有司公因諷其令解文網躬崇禮讓以倡之不踰期士風丕變忤學使者意遷晉府教授不拜歸斗室屢空手不釋卷非公事不謁邑大夫狀邑大夫未嘗不造廬請教焉

唐若彛字化夫珍子質實無華少有文名與袁魁王來召齊驅以恩選入貢成均拜黎城丞問民疾苦以循吏自期有權思和者坐耗官錢囚之計無出欲鬻女以償彛貸以俸而還其女李思考盜其叔金其叔緝紳也必

不與盜例杖而遣之可理某奸賄在  
之矣知其誣曰吾不以人命媚上官竟出其罪未幾理  
以年盜至羅織以罪爰遂投牒歸士民泣送者萬人勸  
以建祠以奉之家居耕田事親喪準文公家禮力革習  
俗惡輩有不學者夏楚不貸諸姪亦事之如嚴父執卷  
誦吾皓首不倦竿牘不入公門屢賓於鄉年踰八旬而

叙

成安縣志

卷之十列傳三

七

李崇節字子達性直朴業麟經下帷勤苦父早逝事母  
以孝聞祖宅一區田四十畝盡讓其弟獨擁一壠教授  
生徒以給饘粥孝廉周世臣李崇文併諸生王教行等  
俱出其門貧者不問束脯時給飲食成安麟經皆其傳  
也督學使贖之邑侯麻城劉公豐城李公造廬隆禮比  
之段干木以歲薦司訓饒川師道尊嚴丁內艱再補臨  
潁攝行縣事不事紛更而百里帖狀轉安平教諭陞山  
丹教授歸一門之中婚娶教誨山弟以及再從皆賴以



成立子孫皆能讀書繼其志

張守諫字汝忠鄉賢憲姪仲智曾孫貢士秉彛孫也性直諒不枝求以地讓長兄生員爲韓爲讀書費常丈田將畢忽令改量竟從後量多數人曰拙哉諫曰不錯我看地形該如是天理卽如是耳博聞強記年八十猶不釋卷每言讀書先學耐煩狀後有得邑侯廣寧李公重之舉鄉耆子所蘊生員孫昌中丁卯鄉試

楊時教字三泉性孝友輕財好施篤志讀書少補邑庠成安縣志

卷之十列傳三

二十

生以父母年老遂不求仕專奉養朝夕問視寒暑不輟親疾藥必親煮父母不食教亦不食踰月寢不解衣兄弟內外無間言及分居車馬易在取其贏弊者遇鄉人婚喪匱乏必助之設家塾教族中子弟青衿者二十餘人子調鼎登崇禎辛未進士任河南叅議公初贈文林郎再贈承德郎

劉三畏字子敬性至孝奉養父母勤必以禮飲食衣服必問而後進親朋婚喪鄉黨緩急多濟助之治宗田立

義塚諸先達慕其行誼爭與爲交嘗稱爲白衣進士喜  
教子讀書六子皆成立

史魁字子鮮先名臣中丞公裔孫也少有聲諸生中子  
失恃父喪明生計不足魁弟以舌辨佐之其言不欺於  
供凡廩餼及從遊投贄所遺者積田數十畝及祖宅一  
區悉以給三弟推誠布公重狀諾以歲貢入成均聖化  
猶手不釋卷考課寒暑不間卽同業者亦不敢以故習  
之居恒顰笑不假卽處庭闈如嚴師焉門人及子孫謂  
成安縣志

卷之十列傳三

二十一

青衿者四十人長孫熾登癸酉科

王推恩字伯厚號竹亭名臣之紉父泰安知州配命顯  
也青年補博士弟子員有聲性孝友父鶚任河南府  
事以疾致仕凡藥餌飲食必親手煮進雖暑雨祁雪  
稍懈歲祓問里有欠不下千金勸父悉焚借券不取  
以年高無意仕進學使者題授平鄉縣訓導世守  
邑侯過門必式爭訟者望問輒解

蔡州張宇九陶根次子在大

狀關屢北歸而開館教授從遊者多成名婦方  
司數以孝行舉於學堂優禮之有堂祖斐之  
頃服不受盡讓斐壻陳溪痛兄先逝撫教孤姪成  
異已子慷慨好義建橋置船往來者不病涉焉

喬撰字素 官孫也性鯁介制行廉潔弱冠補弟子  
屢試冠軍從學者甚衆門人李門琦領庚午鄉薦以  
帛往謝撰曰爾勉力讀書進步異日作官能上不負  
下不害民即厚謝我矣何用此爲受其拜而卻之

成安縣志

卷之十列傳三

三

張公延至署令其子宿帥事焉數年宿中甲戌進士  
入幕府從者一人頗莊張公曰將材也撰曰此食  
成安有王某者聞其人壯士也張公即召以旗鼓星  
王歸具儀在謝撰語其僕曰彼自用予我何與拒不  
見張公甚重之其姪因公求武舉撰怒曰朝庭名器  
敢妄圖爾爾出此犯法語即撻之其羅屯李正

壽諸書公爲置田五十畝又有捐揮教讀持金書  
登門却之

朝講祭器立社課業唯祭祀鄉飲邑令乃會其面二年  
卒於任無子弟姪束裝惟琴一張手卷四軸書百  
餘卷而已撰治家儉樸謹嚴常訓子弟曰紬緞綾羅富  
貴之服非貧賤家所宜濫用况人福有限汝等可不知  
惜乎男女皆布衣男不衣女不澀不敢出戶雖盛暑隆  
冬無臨風向日者四十餘年無誼譁人以萬石君况之  
張昌字澹寧憲 孫智曾孫守諫孫也性純孝前後督  
學屢旌之登丁卯科潛心理學讀陽明致良知之書嘆

成安縣志

卷之十列傳三

十三

曰道在是矣何必他求乎以父年高養親不仕父卒哀  
毀甚幾於滅性平居訥訥不出口及大義所在則侃侃  
直陳有屹狀不可奪者年愈高學愈精家益貧守益固  
卓狀係名教之重誠盛世之逸民也

陳廷諫字亮明汝登子也幼與兄廷謨齊名以廩例入  
太學母潘孺人寢疾兄督饘河東公侍藥餌無倦居喪  
哀毀過情悲動里族服闋從兄入都兄感時疫幾殆公  
延醫侍藥閱月乃痊及兄卒諸孤俱幼值亂兵寇賊會

皇無計公正色語家人曰城若不守吾門老火惟有死  
於柩前而已葬兄後事嫂以禮延師訓孤愛過其子會  
修城公力任其事經營有法謁選授周藩左長史御條  
屬禁暴宗剛直動主遷武英殿中書克稱厥職以遷葬  
告歸 國初直指桑公薦之公以老辭課讀明農邀客  
啣盃古蒲大宗伯朱公式公廬容城孫竒逢遊蘇門過  
公講學公益以聖學勉勵諸子無何以疾作湖廣按察  
司僉事前廣東道御史永年李仲熊銘其墓曰事親從  
成安縣志

卷之十列傳二

二十四

見包括仁義處則爲儒出則爲吏恒嶽蒼蒼漳水茫茫  
百世流風山高水長

常天祐字予懷西馬村人幼貧從學於廣平生員張茂  
梧終日咕嗶午甑不炊淡如也以三名入泮無喜色丁  
母艱朝夕哭奠如禮時大饑斗米一金不能葬民皆相  
聚爲盜祐歆他往以母柩在不忍赴學領賑得穀三斗  
負至中途爲賊所奪且歆擁以爲首祐給之曰歸家辭  
毋明日從汝賊乃釋之祐歸於母柩前痛哭遂縊死明

賊來見祐已死羅拜痛哭而去其鄰生張浩率鄉人  
祭之時明崇禎十五年也祐無後貢士侯鍾國傳其  
懷德字培初縣學廩生性淳質讀書以理道爲期  
承強厚德雅量賓於鄉懷德克盡子道晨昏問視承  
疾懷德寢食俱廢不遠數百里延名醫湯藥親嘗極  
不事居喪哀毀慘瘁容城孫竒逢遺之詩有居憂自  
體夫豈爲聲聞邇室能無愧清評已屬君之句生毋  
卒言之輒痛悼飲泣而弟皆繼毋師出也友愛無  
安縣志

卷之十列傳三

二十五

師卒吳又繼焉懷德事之無異所生與僉事溫  
中翰王公元鑣爲文字交久而彌敬教子以義知  
安李公童得理學之傳延爲諸子師子心簡冲齡入  
冠食餼仁人有後信夫

傅明德字在明漳河集人先世有隱德公自總角時  
心讀書初肄業甘羅村往來奔走日過其田不顧  
燕韓柳歐蘇王唐瞿時之法諸生時屢試冠軍以  
入太學規戒邪黨朋友聞絕不以物累加人狷介

守嘗於郡中買葛倉卒忘給價值賣者亦不知也歸家  
十數日偶以他事用銀始知之冒暑赴郡補之賈人嘆  
服丙午舉於鄉公事外曾無私謁未幾以疾卒

張躍龍字見田縣學增廣生也世居南雷村曾祖廷美  
與其從弟臻同居不析臻之嗣廷美子守巳克承先志  
與胞弟同居守巳子孟春與堂兄省祭官堯科胞弟孟  
夏同居時內外眷屬計三十餘口而堯科在官爲吏支  
應維艱凡公門及私家所用皆孟春經營之至鄰里宗

成安縣志

卷之十 列傳三

二十六

族有婚姻死喪不足者輒復贖給無吝色及卒遺孤躍  
龍甫四歲家務悉托孟夏孟夏事孀嫂撫遺孤無私蓄  
私黨鄉里咸服其公推爲鄉約長嫂馮守志事舅姑以  
孝處妯娌以和紡績佐叔訓子讀書壽七十二歲無疾  
而終躍龍處家里黨間以孝友稱與堂兄化成堂弟游  
龍不異同胞化成失偶未娶躍龍子勉亦失偶化成可  
承貧力難併娶朕我暮年人也嘗先爲勉娶躍龍曰焉  
不爲兄娶而先爲子娶者勉力先爲兄娶而後

其子自廷美至躍龍歷四世矣尚同居雍睦如故

姜雲龍字會方武舉君顯父也性孝友樂施濟讓恭儉  
慎與世無忤嘗捐百餘金立祠堂建義學一所復置地  
五十畝作學田爲延師束脩之資鄉中子弟願學者皆  
讀書其中人皆德之雲龍曰小事不足稱實吾志也但  
恐後日不能常行耳苟能常行不廢或於敦族育才有  
小補乎

篤行論曰尼父聖人也自謂躬行未得成安篤行何比

成安縣志

卷之十列傳三

二十七

比耶於戲祥麟威鳳希世一逢下璞隋珠微瑕不掩儻  
不金玉其外而敗絮其中乎是亦篤行而已矣



列傳四

孝友傳

張憲字宗周邑諸生性至孝母喪三日不食哀毀幾絕  
既葬伏於墓側不肯還親友勸之不允於是代爲結廬  
憲朝夕哭奠負土成墳每號泣有慈烏翔鳴於樹又有  
兔雞伏於旁飲食自如夜遇群盜求火憲以無火應賊  
亦不忍加害居廬三載有司以孝奏聞奉 旨旌表後  
任山西布政司都事祀鄉賢

成安縣志

卷之十列傳四

二十八

侯驄服孫自少以孝聞父疾五年朝夕不離側湯藥每  
進必親嘗父故水漿不入口者三日既葬歆廬墓以母  
在不果及母故合葬後遂廬守焉正德六年流賊劫掠  
至境內親戚勸之少避不肯去弟明恐其不勉相對而  
泣未幾賊至兄弟爭死賊憐之遺緞一端書名而去教  
諭胡懋仁贈之以言曰一德格天二難化暴邑侯桂公  
贈之曰卓卓乎文武之才堂堂乎魁梧之象肫肫乎孝  
親之心怡怡乎友于之單嘉靖十三年奏聞奉 旨建坊

其澤人父故悲痛殊甚晨昏饋食如生前以母在  
未果廬墓乃留父柩不葬置其側者十二年母故合墓  
遂廬墓側負土崇墓身無完衣忽一鬼來畫則同遊夜  
則卧足下終喪後猶不肯歸或問之曰吾鄉人不知禮  
制三十六箇月方爲三年今此數不足敢謂終喪乎明  
年竟卒於墓側知縣王公鈴以聞建坊旌表免其子徭  
役終身祀鄉賢

成安縣志

卷之十 列傳四

二十九

李璜 昌彪屯人父死水漿不入口者數日既葬廬於墓  
側事繼母無異所生與兄雖異爨每憐其貧時周給之  
諸監司府縣皆扁其門乃給冠帶

吳一 檜平涼別駕一柱異母弟也慨慷有膽畧雅尚氣  
節雖未嘗學問而孝友天成別駕公一日晏坐巷門群  
盜突入執之矢石橫發里人莫敢近檜聞之挺身入曰  
幸寬吾兄財惟所取耳別駕公囊無厚蓄未滿群盜意  
將苦之檜號泣曰兄年老無子出與身孰重乎群盜

勤首肯

云邑宰嘉其行會單恩錫以冠裳檜舉辭不

受

日奏議字洛函邑庠生璜子也母任氏性至孝甫十歲  
父卒哀毀幾于滅性一弟四歲一妹尚在襁褓家貧母  
垂涕日爾曹孤幼能保將來不爲不肖乎奏議泣對日  
母勿慮兒必竭力讀書克承先志斷不敢貽父母辱自  
是事慈母如嚴父出必稟命入必庭揖視膳問寢惟謹  
母或因貧窘色稍不豫即引罪乞勿憂十六歲遊泮十

成安縣志

卷之十 列傳四

三十

八歲食餼弟妹姻娶粧奩遵母命皆從厚先人遺產盡  
讓於弟天啟辛酉舉於鄉尺牘不入公門仍教授居鄉  
里署丘縣教諭捐俸賑恤貧生木震生等二十餘人丁  
內艱以疾卒於家

王順命漳河集人廩膳生員幼孤值荒年竭力事母雖  
粗糲之食亦必恭謹毋卒哀慟迫切蔬食不歸內寢每  
食必祭時物必獻既葬書則守墓晚則歸卧主旁二年  
如一教人先德行後文章不計束脩多寡貧者仍

筆墨之資服闋試始前列當補有中年未余偉者考始  
其下順命讓之學堂蔣公嘉其義給銀伍兩書二部  
孝友論曰十八章言孝詳矣而不聞廬墓何成安踵相  
接也豈以孝爲庸行非此不足表見耶夫以表見爲孝  
孝則不純矣狀其不忍死親之心蓋有可風者焉舍是  
則盡心盡禮者尚矣若一棺之備其况奮不顧身急難  
之義又何烈也語曰事父母能竭其力詩云外禦其侮  
其是之謂夫

文學傳

安謙字汝光生有奇質弱冠領鄉薦登嘉靖癸丑科進士初知樂安縣懲奸革弊有能名調吳縣吳故附郭多豪猾以村氓爲長役任出納城居者爲別役雜供億內外交困不啻倒懸公立治猾者調停其賦民稱便焉邑人士申時行等勒碑頌德攝長洲剖決如流視兩畿邑無異彈丸也陞南戶部主事以兵變罷歸年方三十

成安縣志

卷之十一 列傳五

三十二

無芥蒂築圃蒔花飲酒賦詩有晉人風度當道屢薦不出嘗著槐林圖說以見志公性孝友族人多賴舉公詩文爲詞林推重子若恒孝友有父風以例貢除鳳陽主簿陞清澗丞多惠政

李齊芳字見甫舉進士知歷城縣學詩於李士鱗時大學士嚴嵩擅權縣令不阿附者不得臺諫公絕不與通五載遷戶部主事世宗崩穆宗未即位奄人傳令旨除官中外駭愕無敢言者公慷慨上疏語激烈上得疏首

不釋手中貴卿之白上疏直下執政上叱不從無何坐  
多言謫佐同州尋移衢州時防曠兵數千以守給餉遲  
脫巾告變守匿不出公往平之官漢中知府詩文高古  
爲斥丘冠冕所著有夢寤集行世

袁魁字子選年二十登進士初知陽曲縣若老吏狀勸  
農禁奢脩驛丈田毅朕不畏彊禦晉王強占民田多役  
丁夫有司不敢問公逐一查覈清出民地二萬畝民夫  
三百名貢院以木爲號房屢火公力請易以甃興學課

成安縣志

卷之十列傳五

三十三

士其貧者賑資儒童某以家貧廢業應門役公器之試  
以文果能成章公曰吾不忍廢尔業遣歸讀書月給粟  
不絕後舉進士公性剛方不能俛仰流俗竟以直道不  
容解綬歸事親教弟置田贍其妹以詩酒相交遊渾朕  
不設城府爲文萃贍不落蹊徑嘗曰使吾若官日久安  
得成此技乎弟瑰以明經授東郡不愧迺兄

王家瑞字凝貞任質好奇荒隣不容於時初以進士  
咸陽犯巨璫罷金礦丰裁稟稟秦中脂膏者脚之數壁

外屢遭譴謫官戶部主事不喜封殖博古似張華凡  
奉石片楮有異者輒傾囊買之以故家益貧翰墨益健  
積書充棟繙閱于中達旦不倦太夫人家教嚴肅公爲  
戶曹時猶被夏楚船狀受朴不敢少拂意旨著作其終  
未及盡梓止有廣平詩人集游山記行世

喬騰甫字舉之少穎悟絕倫日誦千言從父宦豫雍  
覽太華渡黃河有翩翩遐舉之意遂薄舉子業刻意  
詩命筆所至輒有佳句一時詞人李見甫安汝光董

成安縣志

卷之十列傳五

三十四

重之百家九流靡不淹貫善書畫求者戶外屢常滿性  
孝友質直坦夷不問生人產簞瓢陋巷晏如也屢賓於  
門年八十推敲不倦所著有草根吟從初記

王元鑣字玉乘貢士可敬子也性英敏行誼端潔爲  
生時以說書課文爲事士之有志者卽鄰封亦被其  
音不可勝數喜讀韓歐諸大家文集草書楷法皆精  
三冠軍順治十八年以恩貢於成均卷耶頌鄉薦  
以進士考選內弘文院中書

志雖未遂狀自 國朝以來文章德行稱併美者無  
其右

文學論曰吏治非文章弗飭而成安以詩文見者制科  
五人皆坎壈官不過郎署守令中翰不狀則考槃陸阿  
豈文章不能經世乎抑茲道不窮不工所謂不得者也  
家什未嘗不照耀古今也君子或不以彼而易此



列傳六

一行傳

安從善諸生也文廟鼎新獨祭器未備慨然曰有廟而無器如黍稷何遂鬻田四十畝買銅若干鑄鑄壘凡十  
盥盥凡一百一十俎豆凡二百九十貯學供祭

牛拱北耆老也言呐呐而好施濟學博武陟張君暴卒於官其子三人俱在籍不及含歛廩延劉公捐十金置  
直棺拱北有羨材遂受金應之二子至仍還其金題

成安縣志

卷之十列傳六

三十六

不受

常仕艾東人幼聰穎能讀書後報門兵功令嚴不敢  
辭至真定府入左營力弱不能操弓矢收爲營書少  
酉十年無過後從主將征流賊至黃寺與賊遇箭傷左  
臂不能從軍留旅店中感悲離數日死遺詩曰  
一  
心何日盡願作厲鬼向西征之句無崇川八  
延聞之  
嘉嘆曰一介而有如此之志身死其烈可嘉歸土命

夫四

卷之十

安桂香夏陽村人立心忠厚處世和平舉鄉耆常積錢百貫濟人之急及病篤命子貞吉將借券悉焚之曰女不聞古人有子孫強似我要錢待如何子孫不如我要錢待如何之言乎

張名遠漳河集人爲木工性醇魯寡言常結社施茶戴薪負水不倦歲以入市拾金數兩不去待遺主還之候生鎮國闢于縣舉鄉耆

成安縣志

卷之十 列傳六

二十七

一行論曰安牛全行未概見即甯田置祭器及助喪卻金一節非今人古道哉常仕以書生從軍至死不忘忠義其志可尚其遇可悲矣名遠拾遺還主殆亦鐵中錚錚者乎何可沒也

列傳七

從一傳

劉氏諸生張鷓翼妻貞淑寡言笑事姑舅兄姊咸得其歡心鷓翼疾劉左右承順湯藥必親數月無惰容鷓翼死劉盱而號曰天乎吾夫死而無子吾生乎何爲姑蔡及其母潘涕泣勸諭劉曰幸有伯叔能事舅姑弟能事父母吾死寧不瞑目乎持其六歲女撫膺大慟慟而哽咽幾死者數矣二母陰令諸姑姊日夜伺之火得間即成安縣志

卷之十列傳七

三十一

自經死時鷓翼死纔三日耳年二十二歲有司上其事奉旨建貞烈坊旌之蔡公可賢表其墓安公謙銘其墓門之石嗚呼劉之死其死而不朽者耶士大夫有食君之祿行君之令而或至懷二心爲異圖者其視此女流何如也

楊氏李宗義妻溫氏李宗智妻二李兄弟也相繼早卒時楊年十九溫年二十俱無子守志有司表其門曰節坤正氣木燄貞心

吳氏喬隆妻年二十二隆死無子止一弟名遠父母憐其少欲令更適吳垂泣曰二親老矣遠尚幼願奉其育誓無他心舅姑勉從之吳事親撫叔始終不二後遠亦早卒有遺孤育之如已子竟至成立鄉人評之曰吳氏能守人所難也節而孝且協諸義焉又難之難矣卒年八十有司奏 聞表其門曰貞節

何氏張憲妻年二十夫卒遺一子在襁褓間何曰婦道從一而終無子猶不可 適况有子乎吾志定矣遂撫

成安縣志

卷之十列傳七

三十九

孤堅守年八十三歲終有司奏 聞表其門曰節照乾

坤

喬氏袁希梧妻也希梧年二十六以疾卒喬誓死以殉諸姻戚勸解皆不允姑誠曰爾宜死第爾子輪纔六歲二女俱襁褓誰字之者撫遺孤令箕裘有託里中稱爲節婦足矣何必死乎喬乃止敬事舅姑勤紡績外戶不出人罕見其面及昆弟析居家益貧鶉衣糲食人所弗堪喬澹泊自如畧無不愉之色輪五子長魁舉進士授

成安縣志 卷之十 列傳七

蔡氏知事徐昭妻也昭死無子蔡年已八十有二因自誓曰吾夫居官清苦宜多嗣續今死而無子命也吾當有以酬吾夫遂用麻裙包上築成巨塚朝夕哭奠三年髮白齒落畧似人形里中悲之

喬氏教授宮女也適生員郭維城未踰期維城卒喬年十八無子欲殉之親族擁護勸慰以翁姑尚在無他昆弟可託與其爲烈何如孝義喬乃揮涕奉養朝暮饗殮

成安縣志

卷之十 列傳七

四十

俱出一手姑有二女凡百資妝及於歸後供用皆親爲辦治翁憐其孤苦勤劬立族孫文光爲嗣已而姑以無後欲將所有遺產給其所生以喬與嗣子爲贅常不使得飲食時時取給其母家或不繼卽力紡績博半升粟以度一朝姑暮年甚自悔恨鄉約儒學併上其狀太守陳公表其門曰貞節憲使陳公賜以粟帛濟源陳太守亦表其門堂邑張司李表其門苦節凌亦表其門

嘉茹其苦節凌亦表其門

嗣子成立可謂完名矣

李氏張世祿妻祿卒李方二十二歲紡績事繼姑至孝遺孤甫周歲李盡荻訓誨後遊邑庠按院錢公旌其門曰栢舟矢節

常氏王山妻也居重村年未二十頗有姿流賊至常愴惶逃難遇群賊逼之義不受辱厲聲罵賊投井死邑侯給毅旌之惜在寒微未及題表

張氏驛丞郝應乾妻也夫卒張年二十四誓以身殉夜成安縣志

卷之十列傳七

四十一

於柩前自經其姻屬及姊覺而救之勸曰人生皆有死爾夫天亦命耳必欲相從于地下藐焉三孤依誰撫養年老舅姑衣食又何賴焉恐爾夫亦不瞑目也張乃止孝養二親更慎日夜勤紡績嚴課訓家計稍裕三子皆克振家聲諸孫多列芹序卒年七十有五兩院旌其門曰節孝

張氏中書蔡應龍妻一十七歲應龍卒時叅政公可賢柩在庭侍應龍於東庭晨昏薦食必先叅政公而後及

其夫無子沈亦卒媳李氏方二十一歲遺孤運開甫  
六歲姪媳撫之邑侯賈公三策扁其門曰雙節保孤馬  
公珍扁其門曰一門節孝應龍姊蔡夫亦亡張迎歸養  
於別舍奉侍無怠既而李亦卒張隻身撫孤家業凋零  
堅貞愈勵壽七十四歲終

白氏生員侯之矩妻矩卒白年方十九遺子僅三歲矩  
前子不才家產蕩費一空逼白改適白誓死不從母子  
伶仃艱辛萬狀鶉衣藿食無怨也惟紡績伴子讀父書

成安縣志

卷之十列傳七

四十二

子孫相繼遊泮至今書香不絕卒年八十四歲邑侯彭  
公希賢擬士民呈報兩院有二云處人倫變中之變節傲  
青霜值家道難中之難心堅白玉按院衛公學院霍公  
扁其門曰節凜冰霜貞操風世

張氏鄉耆名遠女也年十六適郭賓二十而賓卒子定  
方過歲張悲號不食欲以身殉父泣謂曰女不念吾夫  
婦老年無子乎爾翁姑老而且貧乎郭氏一塊肉將何  
所託乎張乃幡狀曰古有割機和丸獨非人婦耶能米

樂節書以立其孤未亡人又創收焉蔬布勤瘁寄居  
家與翁姑隔三十里積有年矣遠供翁姑三年無間姑  
死翁集宗族於堂召二子併張全議將田產均分輪流  
往藉張語衆曰將出產讓伯叔獨迎翁奉養衆皆嘆息  
宗長郭士吉誦伯叔曰汝二人分得出產寡婦止分得  
一老人耳伯叔慚不荅次日奉翁歸孝養脩至始終無  
倦怠意翁嘗摩定頂喜曰孫必有成將爲汝母節孝也  
也翁死祭塋如禮獨力任事定七歲卽授以書嚴課之

成安縣志

卷之十列傳七

四十一

每述其艱難之狀繼以悲咽定感泣向學青年食簞  
文各張翁卒遺庶出一子方二歲一女方四歲加意  
育無異已出俱畢婚嫁庚辰歲大疫收養孀嫂暨孤  
孫輩又減食分賑宗族全活甚衆諸姪貧不能婚者  
爲娶人咸稱其貞孝慈和既能保全郭氏又能保全  
氏也紳士里正屢欲上陳張聞亟使子力止之且  
曰守節乃寡婦之常何庸表爲子能勉學明一命  
於門有光予心適矣年七十四歲而終子定歲貢



之麟弱冠食餼曾孫繩繩皆能讀書

張氏保定新安人也爲武進士鉦女適生員李童中子合天因失業避地南行至成安城西居焉合天讀書教授張布衣操作佐之無子一女年十五歸孫竒逢孫溥合天有疾張竭家資延醫求藥療之不足解衣脫簪珥爲用合天卒張哀毀骨立決意自盡勺水粒米不入口五日矣娣姒勸之弗聽其女泣曰父今去世毋又欲從天涯孤女何所恃以爲命耶且盡節與守節孰難母讀

成安縣志

卷之十列傳七

四十四

書以古人自期何不憐女孤苦未成人姑爲其難者乎張曰守節以存孤也不則有舅姑在無人供其旨求死不得不獲已而爲之者也今我無是雖有女朕已于歸從夫我之事畢矣與其稱未亡人苟延於世孰如死其女及家人守視之不離旦日張謂女曰我夜來思汝言亦有理當爲汝茹苦終身也遂稍進湯粥理家事人皆信之厥明失其所在家人奔赴中堂排闥入則縊于樞旁死矣比葬邑大夫潁川王公具牲醴往祭贊者曰合

夫妻布衣不當拜王公曰李君夫婦道德名節余  
一邑師也烏可不拜四拜而退報上請旌其節李家  
不能爲力事遂寢

楊氏漳河集人生員王受命妻也受命卒楊時年二十一  
四男星歲甫八歲女甫六歲楊撫孤事姑不少懈供  
無缺後姑失明趨侍愈謹姑卒竭力營葬明末天下  
荒盜賊蜂起携子女避亂城中食藜藿不以爲苦持家  
勤謹茶儉雞鳴輒起親執爨暇則紡績曰我婦人事  
成安縣志

卷之十列傳七

四十五

閨門嚴肅兒女不許私造飲食鄉俗婦女多謁壘看戲  
揚絕跡不出遇親以禮處族黨以讓至如鄉社供祭  
祇或祖先春秋生忌蔬果食品必竭誠致稍不慊  
則令勿獻先是財家夫家俱富一錢尺帛不肯妄費  
年七十子孫常以新衣其肯進輒辭曰我常服適體  
食自佳勿以不堪強我也嘗歲歉貧困見子讀書不  
恐曰我在家時見汝外祖及汝諸舅惟讀書是  
汝家見汝祖父及汝伯以亦惟讀書是汝不讀書

欲何爲汝能讀書我貧困無怨汝不讀書卽富我亦不喜也星歲感激向學列諸生讀書不出戶一介不妄取  
儒林推之

秦氏陳永壽妻李氏太學生陳王前妻秦氏媳也馬氏太學生陳爾學妻李氏媳也三世守節

王氏吳瞳人生員曹日章妻也供養舅姑紡績佐夫讀書日章游泮後家務一切自理不以累日章期以大成日章病卒無子家又貧王矢志靡他九死不移親隣有勸其改適者輒厲色拒之依其姪如璧同居與如璧婦晝夜勤劳以爲生計暇卽哭其夫今年六十八矣雙目俱瞽有語及其夫者猶呼天痛悼幾不欲生也

胡氏遼國顯妻寡言笑不尚鉛華遼國顯善事舅姑明崇禎十四年春瘟疫舅姑夫俱死胡方二十三歲止一女甫三歲無他親故以紡績爲事三年喪畢父母強之他適婦給之曰夫死未久女幼未成一旦他適人有不笑我者乎待女長而後議可也及女旣嫁父母託鄰婦

言前事婦嘆曰與我比鄰數十年猶不量我心乎  
刀自刺急抹之乃以手自毀其面今年六十一歲瘡  
尚存

劉氏世家女邑民張奇抱妻生子爾基方四歲夫歿  
年廿有一號躄觸棺死經日而甦嘆曰死則死耳如  
孤何毅然守節教子家貧紡績以給中更流離備嘗  
苦節益勵教益勤致其子爲博士弟子而從容以疾終  
夫守節難矣守節而教子則更難守節教子於流離

成安縣志

卷之十列傳七

四十七

難中則更難之難若氏者瓜矣

崔氏前節婦李氏媳生員張馨繼室宋氏馨子生員爾  
維妻也守節教子淵源三世馨生一週父世祿死母李  
氏鞠育教訓弱冠入庠當事業已表其門矣崔撫馨前  
妻子維如已出亦弱冠入庠維娶宋甫兩載生子聞呱  
呱襁褓中維遽逝宋年纔廿歲無何馨又逝崔僅二十  
有人又號躄稱未亾人矣兩世霜髮其撫一藐孤於兵  
凶患難之中艱苦備嘗慈嚴並至率玉小子附於成早

食香芹綿清河之祚於不替人咸以爲世稟節操之報  
云

從一論曰婦之事夫猶臣之事君也均以不二爲節彼  
赴死如歸一暎而萬古不視者烈矣乃泣血撫孤歷九  
死以成仁者亦豈易哉無子從夫有子從子婦之道也  
世治爲良臣世亂爲忠臣臣之職也覽斯傳者其有意  
乎

列傳八

僑寓傳

魯昭公二十七年為季氏故如齊齊侯鄉之使宰獻而請安卑之也子宋子乃以君出君於鄆明年春王三月公如晉次於乾侯子家子曰有求于人而即其安人孰矜之其造於竟弗聽使請逆於晉晉人曰天禍魯君淹恤在外君亦不使一介辱在寡人而即安於甥舅其亦使逆君使復於竟而後逆之以是公不得見晉侯仍是

成安縣志

卷之十列傳八

辛八

鄆焉二十九年復於晉次於乾侯居四年薨於乾侯明年六月喪始返魯九月葬于墓道南孔子之為司寇也溝而合諸墓

李童字胤繩保定新安人也生而穎異長帥鹿忠節公伯順順治二年以失業携家南徙至成安西居焉中書舍人王元鑣未遇時偕友過訪一見異之童遂出其師說一編以示曰此聖賢心印也元鑣讀之不忍釋王元鑣命其子心簡從之遊遠通執經問業者無虛日童

爲闡發開導淋漓滿志而後已嘗曰老而不學便衰故  
隨地接引倡師學于當世門弟子隨錄問答之言曰讀  
書歸要賀孝廉以爲學宗陽明鉢傳忠節實錄也有二  
子長體天次合天季明天皆能紹其家學合天明天相  
繼早卒合天妻張氏死節別有傳

僑寓論曰魯昭之事詳矣一時至止若子家輩不一其  
人而不盡列統于尊且志客死也若避地之賢隱居教  
授而孝友節義表見一家者不又與有魯諸人上下千  
成安縣志

卷之十列傳八

四十九

百年共傳哉乾侯洵樂土矣

列傳九

德釋傳

釋慧可姓姬氏武牢人也父寂以其感異光而生名之曰光既長辭家抵香山依寶靜禪師居八載倏有神人謂以將欲受果汝其南乎光知神助因改名神光乃南還少林謁達摩端坐六載無倦色時天雨雪光堅立不動達摩積雪過膝達摩憫而問曰汝久立雪中當求何物光曰願開甘露門廣度群品達摩曰諸佛無上妙道

德釋傳

卷之十列傳九

五十

情小德小智輕心慢心欲冀真乘徒勞動苦光恥利刀自斷左臂達摩知爲法器遂易名慧可言我心未寧乞師與安曰將汝心來與汝安可曰不可得師曰我與安心竟迄九年達摩欲遂西歸命門人各言志許道副得皮尼摠持得肉道一得骨道三可獨曰汝得吾髓始付衣偈可乃飄然詣嵩山隨觀法逾三十四載乃韜光晦迹癯易儀相符在靈巖成安縣匡教寺山門談無上道聽者林集時



和者於寺中講涅槃經學徒聞可觀法稍稱引去其  
分想遂與謗於邑宰霍仲侃加以非法可死棄於野  
日視之其香幾郁仲侃復令投之漳河可忽於水面  
坐復目沂流十八里至盧村止時年一百七歲文帝  
皇十三年三月十六日也後葬於磁州滏陽縣東北五  
十里

仙呂岩字洞賓唐河中府永樂縣人三舉進士不第因  
遊江湖間遇鍾離子受延年術又遇苦竹真君傳日

成安縣志

卷之十列傳九

五十一

交并之法久之適終南山再見鍾離子得金液大丹年  
五十道始成嘗對鍾離自誓曰吾願度盡天下衆生以  
故迄今千有餘年浮沉濁世行化度人隱顯變化所在  
著跡唐開元七年過成安登鳳凰臺題西江月一首送  
西遊行邯鄲道中遇盧生爲黃梁夢以覺悟之事詳載  
中記嘗曰世人每欲見吾既見吾而不能行吾言鑑日  
久與吾處何益哉

仙釋論曰倦釋事涉幻冥不經薦紳先生難言之人然

事者徃徃筆之於書以爲異聞未可概非也余嘗聞鄆見所謂呂僊化盧生處有無不可知遂相傳以爲曾經此耶慧可舍身求法且爲法亡身佛法之初入中國已如此况其後哉狀說法臺則邑之盛地矣